



*IMAK-imi ilaasortanut*

Nuuk 18. jan. 2022

### **IMAK-imi siulittaasutut ilaasortanut oqariatuutit**

Ukioq 2022 aallartiinnaqaaq IMAK-imit sinerissatsinni ilinniartitsisut allallu ilaasortagut tamassi ukioartaami pilluaritsi, neriuppunga ukioq 2022 tamassinnut iluanaarfiusumik, pilluarnartumik peqqiffiusumillu atugassaqarfijumaartoq.

Siullermik Ilaasortagut tamassi maannakkut assigiinngitsutigut unammillernarsinnaasumik inissisimanitsinni nersorpassi qujaffigerusullusilu pisussaaffissi ataqqillugu assigiinngitsutigut naammassiniartarassiuk.

Paasisinnaavassi ilinniartitsisutut sulinissinni, allamiluunniit suliffigisassinni pikkunartorsiorsimassagussi aammalu sulinersi uippakajaarnarsimappat. Taamatullu pisortatut sulisitsisutullu sulisut sulineranni sullitanullu peqqinnarnerpaamik pitsaanerpaamillu sullissinerup anguniarnarnerani piffissap sivitsup iluani atuarfimmi suleriaatsimik allannguisariaqartartunut.

Tamassinnut oqaatigerusuppara aatsaat taamak pingaaruteqartigilerpoq ilissi ilinniartitsisutut, allamiluunniit sulisutut sulisitsisutut pisortatullu atukkasi, isumaqatigiissutillu eqqortumik malinneqarlutik atuutsinneqarnersut eqqumaffigissallugit. Pingaaruteqarpoq isumaqatigiissutit malitassallu paasisimanissaat, tassani pisortasi IMAK-imilu sinniisusi atorluaqqunaqaat pineqartut paaseqatigiissutiginiarlugit.

Ullumikkut nunatsinni tamaavitta Covid 19-ip atuunnerani inissisimanitsigut kalluarneqaqqavugut. Sulinitsinni ikioqatigiinnisarput sulisutullu ileqqorissaarnisarput pisariaqarluinnarpoq. Neriutiginanaqaaq sulisut tamassi kivitseqatigiinnissamut suleqatiginninnissamullu isaassissasusi, aammalu sulisitsisut pisortallu ammasumik periuseqarlutik pitsaasumillu paaseqatigiiffiusumik pinsinnaappata tamassinnut pitsaasumik naammassisaqarfiusaaq sullitallu toqqissisimanissaat qulakkiissallugu.

Pingaaruteqarluinnarpoq isumaqatigiissutit, najoqqutassat sinaakkutillu avaqqutaarlugit ingerlasoqannginnissaa.

Isumaqatigiissutinik sinaakkutinillu avaqqutaarinerit pileraangata sulisut toqqissisimajunnaartarput uippakajaalernissamullu qanittuararsuannngortarlutik. Sulisitsisunut taamaattut toqqittuaannarput sullitanullu kingunerluttarlutik toqqissisimajunnaarutaallutik.

Aap, sulisitsisut pisortallu piunaffigineqarput suligasuarnissamik; suligasuarneriilli aatsaat iluatsissinnaapput sulisut peqatigalugit aaqqissuisoqarpat. Allannguinnisaaq sioqqullugu sulisut tamarmik nalunngittariaqarpat susoqalernersoq qanorlu iliortoqarniarnersoq; pingaaruteqarporlu sulinermi isumaqatigiissutit, najoqqutassat, sinaakkutillu malillugit allannguinnisap aaqqissuunneqarnissaa.

Taamaaliornikkut qitiusumit maleruagassatut sinaakkusiarineqartut innersuunneqartullu aallaavigalugit sulisut pisortallu paaseqatigiiffiusumik kivitseqatigiinnissaat pilersinneqassamat.

Tamassi sulilluaqqinnissassinnik kissaappassi.

*IMAK-imi siulittaasoq Elna Heilmann*